

Namminersorlutik Oqartussat nalunaarutaat nr. 6 ulloq 5. juni 2013 qitiusumik ilinniarfinni inuussutissarsiutinullu ilinniarfinni faglærerinik pædagogikumimik ilinniartitsineq

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikorissaasernerit pillugit Inatsisartut inatsisaanni nr. 10, 19. maj 2010-meersumi § 4, imm. 2 aamma § 5, imm. 4 naapertorlugit, Inatsisartut inatsisaatigut nr. 3, 4. juni 2012-imi allanngortinneqartoq tunngavigalugit aalajangersarneqarpoq:

Siunertaq

§ 1. Qitiusumik ilinniarfinni aamma inuussutissarsiutinut ilinniarfinni faglærerinut tamanut atuuttumik pædagogikumimik ilinniartitaanermik aaqqissuus-sisoqassaaq, qitiusumik ilinniarfinni aamma inuussutissarsiutinut ilinniarfinni faglærerinut ilinniarnertuunngorniarfinni pædagogikumimik soraarummeersimasuunissami pineqan-ngitsunut.

Imm. 2. Kommunalbestyrelsi aalajangersinnaavoq Akuerisaasumik inuussutissalerinermik sammiveqartumik ilinniartitsineq (AEU) pillugu Piareersarfinni atuartitsisuusartut pædagogikumimik ilinniagaqassasut.

Imm. 3. Pædagogikumip isumannaassavaa faglærerit ilinniartitsisinnaanermut tunngavitusutigit piginnaaneqarnissaat inuussutissarsiutinut ilinniarfinni pilersaarusiorneq, aaqqissuus-sineq, tunngavilersuineq aammalu atuartitsinermik ineriartortitsineq eqqarsaatigalugit. Pædagogikumip isumannaassavaa faglærerit atuartitsisinnaanikkut tunngaviusunik piginnaaneqarnissaat tunngaviusumik inuussutissarsiutini ilinniartitaanerni, pilersaarusiorsinnaaneq, aaqqissuussisinnaaneq, tunngavilersuisinnaaneq aamma inuussutissarsiutinut ilinniartitaanerni atuartitsinerup ineriartortinneqarnera eqqarsaatigalugit. Tamatumalu ilutigisaanik pædagogikummi iluaqutaassaaq faglærerit ingerlaqqittumik inuussutissarsiornikkut ingerlatsinermi perorsaataasumik suliassaqrifiit iluanni.

Imm. 4. Pædagogikummi inunnut perorsaanermik tunngaviusumik ilinniagaqareersimasunut neqeroortigineqarsinnaanngilaq.

Imm. 5. Aqutsisutut suleqatigiissitap § 6-imi pineqartup imm. 4-mi inuit 1999-i sioqqullugu perorsaanermik tunngaviusumik ilinniagaqareersimasut immikkut akuersissuteqarfigisinnava, Kalaallit Nunaata avataanut nassarneqarsinnaanngitsumik.

Ilinniartitaanerup sivisussusia imarisaalu

§ 2. Pædagogikummi 60 ECTS point-inik imaqarpoq nalunaaquttap a-kunnerisa 1648-t ukiut marluk ingerlaneranni aaqqissuunneqartussaq.

Imm. 2. Pædagogikummi kingusinnerpaamik faglærerip atorfininneraniit ukiut sisamat qaangiunneranni aallartinneqarsimassaaq, ilinniakkallu aallartinneraniit kingusinnerpaamik ukiut pingasut qaangiunneranni naammassineqarsimassalluni.

Imm. 3. Pædagogikumimik ilinniartitaanermik aqutsisuutitat imm. 2-mi aalajangersakka-miit saneqqutsinissamut akuersissuteqarsinnaapput, pissutsit immikkut ittut, assersuutigalugu naartunerup meerartaarnerullu imaluunniit sivisunerusumik napparsimasoqarnerata tamanna pisariaqartippagu.

§ 3. Pædagogikummi aaqqissuunneqassaaq atuagarsornertut 50 %-iusumik, aamma sungiusaammik sulinertut 50 %-iusumik, taakkua imminnut tapertariillutik immikkut suliassiisutaasartunik tapertaqarlutik, tulluuttuni atassusiilluni suliatut taaneqartunik, ilinniartitaanermi

instruktørimit akuerineqartartunik, faglærerillu ulluinnarni suliassiissutaanit aallaaveqartutut aaqqissuunneqartartunik.

Imm. 2. Atassusiilluni suliat ilinniartitaanerup atuagarsornertaani aammalu sungiusaammik sulinertaani ilaassapput, nalunaaquttap akunnerinik naligiissunik amerlassuseqartumik, aammalu ikaarsaariarfiussallutik ilinniarnepup atuagarsornertaani kiisalu atuagarsornermiit sungiusaammik sulinermut.

Imm. 3. Pædagogikummi atuagarsornertaa aamma sungiussaammik sulinertaa tamarmik immikkut 30 ECTS point-inik imaluunniit nalunaaquttap akunnerinik 824 -nik naleqarput.

§ 4. Sungiusaammik sulinertaa ilinniutigalugu misissuilluni sulinermik, sungiusaammik siunnersuineramik aammalu ilinniartitsisup nammineq atuartitsineranik siunnersuinerataqartumik imaqaassaaq.

Imm. 2. Perorsaasutut ineriartortitsiviusumik sulineq faglærerip pinngitsoorani atuartitsissutissaatut ilaassaaq, siunnersuineramik tapertalerlugu.

§ 5. Atuagarsornertaa tallimariarluni pikkorissarfigisami najugaqarluni ingerlanneqassaaq, imarisamigullu inuussutissarsiutinik ingerlatsinermi perorsaanermik sulinermi Kalaallit Nunaanni nunanilu allani misilittagaasunik kingullernik aallaaveqassalluni.

Imm. 2. Atassusiilluni suliat sungiusaammik sulinermik ilassusikkat pissusissamisoortumik ikaartarfiussapput pikkorissarfigisami najugaqarluni pikkorissarnerit ingerlanneqarnerisa akornanni.

Imm. 3. Pikkorissarnerit pikkorissarfigisami najugaqarluni ingerlanneqartut akornanni piffissani faglærerit tamarmik atassusiilluni suliassiissutinik suliassiisassapput, taakkualu ilinniakkap allassimaffiani allaaserineqassapput. Ilinniakkami modul-imut tullermut ingerlaqqissinnaanermut piimasaqaataavoq ilinniartitaanermi instruktøriusup atassusiiluni suliassiissutinut akissutaasut minnerpaamik 80%-iinik akuerinnittarnera.

Aqutsineq

§ 6. Aqutsisutut suleqatigiissitap ilinniartitaanermut Naalackersuisoqarfimmit pilersinneqarsimasup ilinniakkap aaqqissuussaana allaaserissavaat, tassanilu ilinniartitaanerup imarisai aalajangersarneqassapput.

Imm. 2. Aqutsisutut suleqatigiissitap tallimanik ilaasortaqaarpoq, imatut toqqarneqartunik:

- 1) Aqutsisutut suleqatigiissitami siulittaasoq ilinniartitaanermut Naalackersuisoqarfimmiit toqqarneqassaaq.

- 2) Ilaasortaqaq ataaseq ilinniartitaanermik ingerlatsisuusumit toqqarneqassaaq.

- 3) Ilaasortaqaq ataaseq ilinniartitaanermi instruktøriusuniit toqqarneqassaaq.

- 4) Ilaasortaqaq ataaseq inuussutissarsiutinut ilinniartitaanermi qitiusumillu ilinniartitaanermi sinniisutut ilinniartitaanermi ingerlatsiffiusup ilinniartitsisuisa akornannit toqqarneqassaaq.

- 5) Ilaasortaqaq ataaseq qitiusumik ilinniartitaanermi ataatsimut siunnersuisoqatigiivinit toqqarneqassaaq.

Imm. 3. Ilinniartitaanerpup aaqqissuussaana nutarterlugulu kukkunersiorneqartarnera ilinniartitaanermut Naalackersuisoqarfimmit akuerineqartassaaq.

Imm. 4. Ilinniartitaanermik ingerlatsiffiusup aqutsisutut suleqatigiissitamut allattoqarfittut sullissineq isumagissavaa.

Nalilineq

§ 7. Pædagogikummi naggaserlugu suliassiisummik soraarummeerutissamik suliaqartoqartassaaq aammalu oqaluttariarsorluni soraarummeertoqartassalluni, qitiusumik ilinniarfimmi imaluunniit inuussutissarsiutinut ilinniarfimmi faglærerip atorfeqarfigisaani ingerlanneqartumik.

Imm. 2. Suliassiisut soraarummeerutaasoq sularineqartassaaq sungiusaammik sulisimaneq aallaavigalugu, atuagarsorluni ilinniakkani pilersarusiornissamat, aaqquissuussinissamat, tunngavilersuinissamat perorsaanikkullu ineriartortitsinissamat qitiusumik ilinniarfimmi inuussutissarsiutinulluunniit ilinniarfimmi atorneqartut ilinniakkallu aallaavigalugit.

Imm. 3. Suliassiisummik soraarummeerummik suliaqarneq kisimiilluni imaluunniit gruppi- ni suleqatigiinni ingerlanneqarsinnaavoq, allaaserisanik quppernernik nalinginnaasunik 10-15-inik imaqtumik, power point-ilianik saqqummiunneqartussanik kiisalu video-liamik atu- artitsinermik nalinginnaasumik takutitsisumik ilassusikkanik imaqtumik suliaqarnikkut naammassineqassaaq.

Imm. 4. Soraarummeerner- mi karakteriliineqassaaq Greenlandic Grading System tunngavi- galugu annertussiliinikkut, ataatsimoortumik oqaluttariarsorluni saqqummiussinermik suli- assiisummillu soraarummeerutissamik qanoq naammassinnissimanermik ataatsimoortumik naliliinerit tunngavigalugit.

Imm. 5. Soraarummeerner- mi angusisimaneq ilinniakkamat uppernarssaammik tunniussi- nermik kinguneqartassaaq.

Imm. 6. Soraarummeerner- mi angusinnitsoornermi qitiusumik ilinniarfiup imaluunniit i- nuussutissarsiutinut ilinniarfiup faglære- ri suli marloriarluni soraarummeerummik misiliinis- saanut neqeroorfigisinaavaa.

§ 8. Soraarummeerner- mi karakteriliinermik aalajangiineq allaffissornikkut oqartussaasunut allanut ingerlatseqqinneqarsinnaanngilaq.

Atortuulersitsineq

§ 9. Nalunaarut una atortuulersinneqarpoq ulloq 1. maj 2013.


Imm. 2. Nalunaarummi uani faglærerit qitiusumik ilinniarfimmi imaluunniit inuussutissarsi- utinut ilinniarfimmi nalunaarutip piffissami atortuulerfiani atorfeqartut pineqanngillat. Faglæ- rerilli taakkua nalunaarummi uani aalajangersakkanut ilaatinneqalersinnaapput tamanna pil- lugu qitiusumik ilinniarfimmu- t imaluunniit inuussutissarsiutinut ilinniarfimmu- t isumaqatigiis- suteqarnikkut.

Namminersorlutik Oqartussat, ulloq 5. juni 2013.



Nick Nielsen

/



Mikael Kristensen